

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代  
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 787×1092毫米 1/16

印張: 四〇〇八·七五印張

二〇〇五年八月第一版第一次印刷

印數: 1—2000套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

# 補編第七〇冊目次

韓文恪公文集二十一卷首一卷末一卷詩集十卷

〔明〕韓日續撰  
清康熙刻本

徐忠烈公集四卷附錄一卷

〔明〕徐從治撰  
明末刻清康熙乾隆補刻本

韓文恪公文集二十一卷首一卷末一  
卷詩集十卷

〔明〕韓日纘撰

清康熙刻本

中山圖書館藏

韓文恪公文集序



余通籍授羅浮令都  
人士咸嘖。稱賀謂羅  
浮為嶺海名區又為

同天福地古今來書

神書僊不可枚舉積  
千百年而有文恪韓  
公其人者其文章功  
業幾與丘文莊梁文  
康鼎足而三矧世朱

殷遙芳型瑰蹟有不  
日示人於美牆寤寐  
間者乎職斯土者尚  
其念諸余曰唯之比  
入境首過公所脩邑

誌後馬廣袤淹貫條  
晰蘇遺已嘆公才之  
大而學之博然猶未  
窺公之全集也越久  
而公之從子宗駘者

執集問序予再拜展  
讀然後知公之才之  
學蓋其淵源固有所  
自耳因思前古作者  
惟君家昌黎公文起

八代之衰品重百世  
之師要其學本經術  
才無逸向境之所際  
情與理洽故其為文  
也雄渾樸茂而不可

以一家名今公歷居  
館職晉大宗伯一往  
三十年其間掌理綸  
誥出入經筵總裁實  
錄以至冊封歸省其

閱境亦夥矣故其著  
之而為文者進日講  
則常處厚之六經法  
言范祖禹之三經要  
語也上章奏則李全

伯之陳情陸宣公之  
言事也叙而宴會則  
金谷蘭亭之遊也記  
而山水則泰山梁父  
之書也雜出而為詩

歌贈答則駸、乎建  
安以下大曆以上而  
錢劉諸子品諸任之  
不得與周同姓爭長  
矣雖然此猶非其至

也昔司馬君實歐陽  
永叔俱久在史館洪  
著述才名震天下而  
後世動稱其大者一  
在斥新法一在善啟

沃是不獨以文章著  
也公立朝多大節不  
屈韶端黻介類司馬  
敷陳講性眈懇嶺歐  
陽而得君行道終始

保全名則過之境之所至情與理洽往建為議論達諸篇章一如古之與子言者依於孝典臣言者依

於忠蓋無違而不得其正焉亦無往而不得所自焉是豈得以文章概公也哉公嘗於族置義田開義塾

歲履極儉存活止靠立糧長以清賦役罷鐵鑽以戢奸宄民賴以安在公當時特優游栗里小試緒餘而

芳型瑰蹟奕世弗湮俾後之職斯土者或見公於美牆寤寐之間或見公於著述文章之內則益嘆昔日

都人士之六

省

康熙八年己酉秋七

月中元日邑令蘭

西後學胡大定撰



韓文恪公文集目錄

卷之首

擬

御製文二章

泰山天僊金闕碑文

瑞王妃冊文

謚議一

擬上

大行慈聖皇太后謚議文

韓文恪集

卷之首

日講講章十四章

疏稿十道

比例陳情疏

檄節請寬限疏

南京掌院到任疏

捐俸助功疏

辭南京禮部尚書疏

禮部到任疏

中途告病疏

請卹典疏

自陳疏

日講官恭慰

聖懷疏

表一道

擬在外賀

皇上下婚表

紀事

開館紀事

館課八首

聖希天賢希聖士希賢解

韓文恪集

卷之首

三代以下惟恐不好名解

人主廣大人臣節儉訓

許王仲淹續經得失

建州女直考

答友人論靜躁巧拙勞逸苦樂諸情趣不一書

一書

敬天勤民箴

擬上君臣交警脩實以彌灾異疏

韓文恪公文集卷之首

宗駮

宗駮

宗駮

宗駮

姪宗駮

孫胤象

胤孝

雋重輯

擬

御製文

泰山天仙金關碑文

韓文恪集

卷之首

一

朕自御極以來嶽瀆百神祀典咸秩矧泰岱為群  
嶽長鎮我東方斯萬物始交之地凡昭姓考瑞登  
封降禪咸茲在焉碧霞元君名號所從來遠相傳  
黃帝肇運岱嶽觀命元君雲冠羽衣迺西崑真人  
焚脩玉洞遂証仙真斯事寥遠不可考已宋真宗  
東封清泉示異上像是崇以迨于今自京畿至方  
國莫不祗事何所趨之趨瞻饗也恭惟我 慈  
聖皇太后保祐朕躬廣建功德嘗於京師重葺東  
嶽廟朕欣承慈旨靡愛斯工美哉輪奐廟貌赫矣

日者 聖母自青朕心靡寧夙夜氷兢露禱于

吳天上帝復命內臣持節以祀東嶽泰山之神天

仙碧霞元君祀事孔明慈顏以豫自青遂躅則是

泰山元君既赫厥靈綏我 聖母以及朕躬朕

莫大焉朕聞無言不酬無德不報况茲靈休

慈聞之倚藉而瞻饗之顯異者哉是用秉虔皈依

思答明貺出內帑金錢若干鍍金為像範銅為梁

為柱為瓦築石為臺奉元君真居焉新殿翼翼聳

錫嘉名曰天仙金關為門四東曰蒼華門南曰丹

韓文恪集

卷之首

二

鳳門西曰皓靈門北曰玄通門其泰山之後門曰

北天門命內官監太監崔登等往董其役經始于

某年某月日越明年某月日已于事而竣朕惟古

者成民而致力於神功成化洽於民而事至乃有事

于泰山朕渺躬涼德醇化未登不敢侈七十二君

之事惟是祇奉慈闈獲邀靈感茲復不天 聖

母升遐宜與元君在帝左右朕追慕方殷深維

聖母彌留之際惟恤舊賜敕民事為兢兢泰山

奠位于東其德主仁其氣主生膚寸之雲澤及萬

國惟泰山為然高其匡佑我民雨暘時若年穀豐  
 登使各有寧宇無逢其災害朕一人實嘉賴之元  
 君廟食亦且與國祚共相綿遠豈不麻哉朕所為  
 酬往德而因乞靈者如此庶幾承 聖母之志  
 無隕越云爾乃勒碑紀其事而銘之曰峩峩岱宗  
 表茲東土觸石興雲遂徧寰宇亦有元君遊彼帝  
 鄉仙階秘靈玉策耀祥日觀崇祠天齊巍關霧奕  
 洋洋昭哉對越駢我 慈聖懷柔百神之聽  
 之降禍振振靡叩不霧靡呼不赫享茲禋祀慈顏  
 有憚霧貺既彰擁其明庥廟食無疆巨鬯一卣乃  
 命中涓乃出內帑奕奕新廟以祀以享寢成孔安  
 永宅厥靈幽感神衷明德惟馨眷予一人受命不  
 殆既右 文母燕及四海燕及伊何惠我黍麻  
 遇穰凶札孳欽休嘉遐貺無涯歲事有飭於萬斯  
 年與國罔極

華文博集

卷之首

三

瑞王妃冊文

維萬曆四十三年歲次乙卯 月 朔 日  
 皇帝制曰苴茅燾土將以蕃我本支錫類儲禧  
 先釐爾女士合繇天作選以德升固百年之伉儷  
 是求亦一國之母儀攸繫朕第四子瑞王 幼  
 聞教義長懋溫恭業定鴻名宜諧燕婉爾某氏乃  
 某之女允稱淑媛展也好述蚤定厥祥已過桃黃  
 之候邁茲嘉禮恰當星渡之期特封爾為瑞王妃  
 授之金冊爾宜祇遵訓誡佩服珩璜無非無儀贊  
 藩封之令聞爾流爾柱與 帝室而咸休欽哉

華文博集

卷之首

四

謚議

擬上

大行慈聖皇太后謚議文

伏以 聖善倪天百世衍本支之澤 合弘

配地群生荷蕃育之功禮重易名治隆報本欲以

贊揚乎休美自當備舉乎 徽稱斯仰體

聖孝之特隆亦昭示 母儀於有永欽惟

大行慈聖宣文明肅貞壽端獻恭熹皇太后 性

生仁儉 德合靜專夙侍 穆皇實自龍潛之

日貽休 宗社發符熊夢之占乘泰運而生

聖人之君奠坤維而為 天子之母 邁高

曾之懿則宣教六宮 婉任如之徽音表儀萬國

皇上冲齡踐祚深藉保綏 今日必世成

仁弘資啓佑 享振絕之極樂 都尊養之上儀

自古七十為稀三百年適逢其盛 至孝五十而

恭億萬載僅見於今赫奕洪徽煒煌史冊豈期

形聞遂闕 驚馭上升人懷喪妣之思

帝軫循陵之戚深維 遺誥慮切大猷普恤宥

赦罪於幽遐宣慈廣孝念 講學今封諸典禮

翼子貽孫 慈範具存 德音如在臣等謹

稽謚典祀奉彝章萃海繪天雖有難于窺測

鴻名顯號庶以愜乎尊親空 天錫之曰

孝定貞純欽仁端肅弼天祚聖皇太后臣等拜手

稽首謹議

韓文愷集

卷之首

六

疏稿

比例陳情疏

翰林院簡討臣韓 謹奏為比例陳情懇乞

天恩復父原職致仕事臣廣東惠州府博羅縣人

蘇萬曆三十五年進士改庶吉士三十八年二月

內除授今職未任丁父艱四十一年七月內復除

今職至四十四年六月內三年考滿奉 旨准

復職臣嶺海腐儒謬塵華秩竊祿三年靡所自効

不蒙號斥幸矣敢有他覲然烏鳥私情有不得不

陳於 君父之前者在令甲考滿得封贈父母

父職原高於子者致仕得進階閑住則否臣父韓

其繇舉人初任直隸揚州府高郵州知州調湖廣

沅州知州以考察冠帶閑住格于進階之例竊念

臣父一生孝友入仕清貞六載苦廬足跡不及私

室三年作郡一錢不潤橐中不媿楊氏之四知未

免抑下之三黜臣竊痛焉伏讀 大明會典內一

款允當封贈父而父曾經考察冠帶閑住乞復父

原職致仕者吏部奏 請定奪查得先年翰林

院修撰朱之蕃考滿伊父朱衣以原任沅州知州

閑住奏乞復職又查得簡討丘永實伊父丘東昌

亦以原任瀘州知州閑住值 單恩奏乞復職

俱蒙 皇上俞允今臣父事體實與相同用是

披瀝上 請伏乞 勅下吏部查照前例將

臣父准復原職致仕予以廣 皇上之考治錫

類愈弘而臣啣恤之私情亦藉以少展矣臣不勝

惶悚懇切待 命之至奉 聖旨吏部知道

隨奉部覆奉 聖旨是韓鳴鳳准原官致仕

韓文恪集 卷之百 八

韓文恪集 卷之百 八

繳節請寬限疏

右春坊右諭德兼翰林院侍講韓 一本為奉

差事諺中途患病懇 恩寬限以便調理事臣

廣東惠州府博羅縣人繇萬曆三十五年進士改

翰林院庶吉士授簡討沔歷今職天啓二年十月

廿九日奉 差前往江西 冊封 樂安王

及 妃於時臣以病可見 朝甫數日而被

命適值嚴冬病困之餘冒雪奔馳者兩月至正

月初九日奉 節至江西南昌府宗室自建安

王以下文武官員自巡撫以下俱遵題 准申

飭事空迎送 朝辭如式無違臣自幸勉完封

事不致委 君命于草莽而辱羸之軀觸犯寒

威皮骨空存生理幾盡因望白雲咫尺嫡母七

十七歲生母七十歲負病倚門便道還里闈榮省

觀數年陟屺一日循骸哀慈既慟頽頽病子亦紆

積懇頓復相依頗甦病骨晨昏侍盡戴 恩

私乃臣差限將及王程已迫臣母勉臣大義督促

戒裝臣自惟 三朝知遇 皇祖優之史局

儲養十餘年 皇考御極拔之宮案 皇上

進臣今職俾得廁 經筵之末與纂修 實

錄之役徒以桐封受 命而出尺寸未効厥官

是懼雖有烏鳥反哺之私不勝犬馬報主之誼拜

辭臣母單車就道臣母杖淚謂臣勉事 聖君

無以爾母為念第不知七十衰年再得相見否臣

含酸言別中心痛裂孤臣戀 關之懷遊子思

親之念兩緒迴環不能自割行至韶州府地方舊

病復作痰火上攻喘急失聲兼之眩暈怔忡等症

調治一月無損分毫臣母聞臣病苦日夜憂思遣

人來視臣自恨綿劣之軀不能自効 聖朝而

空貽哀母惟疾之憂愈愁愈病轉加危篤寸步難

進竊思所領 御節在途何敢迂延違限查得

某年某官奉命 冊封患病請假曾蒙 恩

允政與臣事體相同謹冒昧陳情差義男韓忠恭

齋原領 御節一把進繳仰乞 皇上憐臣

病苦情非假托准令寬限調理則于舍栖遲庶可

苟延視息精神漸復尚期勉効涓埃或罪臣不稱

任使 賜之顯斥一息尚存皆出 洪造臣

望 關瞻 天不勝激切祈懇之至

韓文恪集

卷之廿

十一

南京掌院到任疏

禮部右侍郎兼翰林院侍讀學士掌南京翰林院印信事臣韓 謹 題為到任事臣原任日講官

禮部右侍郎兼翰林院侍讀學士協理詹事府事於天啓六年三月內蒙內閣題為印信事南京翰

林院缺掌印題臣以原官管理奉 聖旨是諛部知道欽此欽遵謝 恩辭 朝四月內出

京星馳而南於本年五月二十五日到任訖伏念臣賦材謏劣濫職清華 聖主方勤政勵學之

時微臣叨珥筆執經之役 先朝謨烈尚未竟于編摩 講幄就將魯無裨于獻納欣沾

舊渥更荷 新除入陪常伯之班出領瀛洲之署身依豐鎬官仍列 輦轂之中秩佐寅清任

乃專圖史之事願竭忱以自靖豈在遠而或忘尚思益勵初心勉圖後効緣係到任事理合當 奏

報為此具本差辦事官史 齋捧謹具 題知

韓文恪集

卷之廿

三